



## Zoe-y Wēnde yāmb Soabã, la y puus y wakat a nu wã, la y loe y Kiuugã la y kō y arzagsã Zakã , la y tũ yellã taoor-rāmbã, ti y kēeda y Soabã arzāna

Yii a Abuu Umaama nengē (Wēnd yard be a yīnga) a yeelame: mam wuma Wēnd Tēn-tuuma (Wēnd puusg la A tulgr be a yīnga) t'a maan hutb n gom ne nebã Wēnd-na-wat-ne Hagiimdē wã, n yeele: «Zoe-y Wēnde yāmb Soabã, la y puus y wakat a nu wã, la y loe y Kiuugã la y kō y arzagsã Zakã , la y tũ yellã taoor-rāmbã, ti y kēeda y Soabã arzāna».

[Naşun Şahuhun (Gom-sikdem sēn manege)] [A At-tirmiiziy la a Ahmad n togs-a]

Nabiyaamã (Wēnd puusg la A tulgr be a yīnga) maana hutba, n gom ne nebã Arafa raare, Wēnd-na-wat-ne Hagiimdē wã, Higrã wã yuum piig poorē, la b pud-a lame ti Wēnd-na-wat-ne Hagiimdu, bala Nabiyaamã (Wēnd puusg la A tulgr be a yīnga) a puusa nebã Wēnd na wat ne beenē, la a sagl nebã fāa gilli ti b zoe Wēnde b Soabã, n gād Wēnd saglsã la b zāag A sēn gidgã. la b puus wakat a nu wã, Wēnd sēn maan ti yaa farilã, wīndgã la yungã pugē, (A Naam zēkame). La b loe Ramadaan kiuugã. La b kō b arzekã Zakã b rāmb nins sēn sōmb ne-a la b ra maan beed ne-a ye. La b tũ neb nins Wēnd sēn maan-ba ti yaa bāmb taoor rāmbã, ti Wēnd kusg sã n ka be, rēnd ned ning sēn maana yel-kāensã sēn togsã, a yel-sōmd yaa arzān kōom.

<https://sunnah.global/hadeeth/mos/show/3520>

